



Maite al nauzu?

1

Mendiko egalean
leku bakartian,
famili bat bizi zan,
lan eta bakean.
Aite, langille fiña,
ama be, etxean,
seme-mutil ederra,
eurekin batean,
Dawn gaitza gaiztoak,
artuta mendean.

2

Txikitandik mutilla,
amak fintasunez,
zaintzen eban, poz-
pozik,
gau eta egunez.
Baña urteak urte
aurrera egiñez,
ama gaxoa, penaz
aula sentituez,
etsita gelditu zan
geiago ezinez.

3

Aitak ori ikusita,
lana itxi eban,
ta mutil-seme ona,
zainduten asi zan.
Mutillak, maite-egarriz,
milla ta millatan,
galdetzen eutson: aita,
maite nauzu, egitan?
Ta aitak semeari:
bai, seme, benetan!

4

Jesus, Juangoiko maite,
zure **EGONLEKURA**
arduratsu natortzu,
bisita egitera,
Pekatuan jausi naz,
zerutik lurrera,
eta zure errukia,
nator eskatzera,
maitatzen ote nauzun,
eginez galdera.

5

Entzun dot, adizkide,
itaun daustazuna,
eta gaur be damotzut,
neure barkamena.
Alan be, entzun nai dot
zure erantzuna,
maitatzen ote nauzun,
egiaz nik aña:
mundua salbatzeko
gurutzatu izana.

6

Milla biderrez, Jauna,
deustazu agertu,
maite nauzula, beti,
tas beti parkatu.
Nik, barriz, Jesus Ona,
deutzut guzurtatu,
"maite zaitut" esanda,
bingoan ukatu.
Ez dot gure geiago,
zu barik gelditu!

Klaudiok
Bil-10-04-09

olerkia